

CONCORSO POESIA CITTA' DI OZIERI

DEGHINA GROSSA

Am'e Rimedia Maria
Cussu Tou Populadu
A s'illustre Comitadu
A presidente e Giuria.

Da su tronnu Celestiale
Manda grassias bundante
A su populu vestante
chin rispettu filiale
Allontana dogni male
chin sa manu Santa e pia
A dogni contessa, ghia
Pachiera, pone in mesu
Su populu Ottieresu
Am'e Rimedia Maria.

A sos infirmos sa manu
Tende puru affettuosa
S'opera Tua amorosa
Su degente torret sanu.
Ue non bastat s'umanu
Tropu imperfettu operadu
Dae su ttonu Vadadu
Tende sa salute pura,
Ma prim'e tottu assicura
Cussu Tou Populadu.

Zente, campagna, armentos
Premurosa beneigas,
Retribuas sas fatigas
fagas sos coros cuntentos,
Leni sos tantos lamentos
Se chie t'hat invocadu
In carchi modu affannadu,
Ba sas penas de sa vida,
Sias istella^e guida
A s'illustre Comitadu.

Cussu populadu rettu
De cussenzia e favella,
Mamma bona, mamma bella
Cunserva de male nettu
Chin su medesimu affettu
C'has ghiadu su Messia.
Salude, paghe, allegria
Dispensa mamma a dogn'ora
Po largos annos ancora
A Presidente e Giuria.

Pantaleo Cucca
Via Eleonora n. 70

DORGALI
(Nuoro)